



ჩემი გიმნაზია



სტეფანწმინდის წმ. ილია მართლის სახელობის გიმნაზიის ყოველთვიური გაზეთი №2 თებერვალი 2014 წ.

გაზეთი გამოდის გიმნაზიის ღირეპტორის სტეფანწმინდისა და ხმვის მთავარეპისკოპოს იმბუდიელის ლოცვა-კურთხევით.



მირქმა — უფლისა ღვთისა და მაცხოვრისა ჩვენისა
იესო ქრისტესი

მირქმა

მოსეს რჯულის თანახმად დაბადებიდან მეორმოცე დღეს, მშობლებს თავიანთი პირველშობილი შვილი ტაძარში უნდა მიეყვანათ. ამასთან შესაწირიც უნდა მიერთმიათ უფლისათვის, მდიდარს — მდიდრული, ღარიბებს კი ორი გერტი, ან ორი ზუნდი მტრედისა.

შობიდან მეორმოცე დღეს, მარიამმა და იოსებმა იერუსალიმში წაიყვანეს იესო. ცხოვრობდა იერუსალიმში ვინმე სვიმონი, კაცი მართალი და ღვთისმოსავი. მას ნაუწყები ჰქონდა სული წმინდის მიერ, რომ არ იხილავდა სიკვდილს, ვიდრე არ იხილავდა ქრისტეს (ცხებულს) უფლისას. იგი სული წმიდით აღძრული, სწორედ მაშინ მივიდა ტაძარში, როცა იქ იმყოფებოდა იესო მშობლებთან ერთად, სვიმონმა ზელში აიყვანა (მიირქვა) ყრმა მაცხოვარი, აკურთხა ღმერთი და სთქვა: „აწ განუტყვე მონაი შენი, მეუფეო, სიტყვისაგან შენისა, მშვიდობით, რამეთუ იხილეს თუალთა ჩემთა მაცხოვრებაი შენი, რომელ განუშადა პირსა ყოვლისა ერისასა, ნათელი გამობრწყინებდა წარმართთა ზელა და დიდებდა ერისა შენისა ისრაელისა.“

იოსები და მარიამი განეციფერებულები უსმენდნენ უცნობ მოხუცს. სვომონმა ისინიც დალოცა.

როცა უფლის წესისამებრ აღასრულეს ყველაფერი, ოჯახი ნაზარეთში დაბრუნდა.

მარხვის სამზადისი

მარხვა შინ დაბრუნების ჟამია

წელიწადში დაწესებულია ოთხი ხანგრძლივი მარხვა, რომელიც წინ უძღვის ოთხ დიდ დღესასწაულს.

დიდი წმიდა მარხვა — ქრისტეს ბრწყინვალე აღდგომის წინ.

სამობაო მარხვა — ქრისტეს შობის წინ.

გ) მარიამობის მარხვა — ყოვლადწმიდა ღვთისმშობლის მიძინების წინ.

დ) პეტრე-პავლობის მარხვა — მოციქულთა თავთა — წმინდა პეტრესა და წმინდა პავლეს დღესასწაულის წინ.

დიდი წმიდა მარხვა ამთავან ყველაზე ხანგრძლივი და საპასუხის-მგებლოა. იგი აღდგომის წინ 49 დღით ადრე იწყება და აღდგომის დღესასწაულამდე გრძელდება.

მარხვის დროს შესაძლებლობა გვეძლევა ოდნავ მაინც მივუახლოვდეთ იმ დაუსრულებელ სიხარულს, სასუფეველი რომ ჰქვია. თუმცა ეს სიხარული იოლად არ მოიპოვება. მარხვა ღვაწლია, რომელიც სურვილითა დათმენითა და ენებზე გამარჯვებით აღესრულება. პირველი ნაბიჯი კი სხეულის მოუძღვრებაა — ხორცზე გამარჯვება და სულიერი ზეიმი.

აღდგომის დღესასწაულის მოსამზადებელი პერიოდი სრულად მოიცავს დიდ მარხვას, რომლის დადგომისას მორწმუნენი ხშირად უესურვებთ ერთმანეთს: „მარხვა სინანულისა და აღდგომა სიხარულისა!“ აღდგომის დღესასწაულის განცდა მთლიანად დამოკიდებულია იმაზე, თუ როგორი სულიერი განწყობით, მარხვით, ლოცვითა და სინანულით გაატარებს ქრისტიანი დიდ მარხვას.

სულიერ-ფსიქოლოგიური თვალსაზრისით, მარხვას დიდი მნიშვნელობა აქვს. ადამიანი ღვთისმსახურების წესს იმისათვის არ ასრულებს, რომ ამას უფალი მოითხოვს; მარხვა, ლოცვა, მოწყალების გაღება, სიკეთის ქმნა თვითონ ჩვენ გვჭირდება პიროვნული, სულიერი ზრდისა და სრულყოფისათვის. მარხვაც სწორედ ამას ემსახურება. მისი ერთ-ერთი მიზანია ნებისყოფის განმტკიცება, თავისუფალი ნების გაძლიერება სასიკეთო მიმართულებით. ადამიანის სხვა ცოცხალ არსებათაგან ერთ-ერთი განმასხვავებელი თვისებაა ნებისყოფა, თავისუფალი ნების გამოვლინება. იგი არ არის თავისი ინსტინქტების, იმპულსების მონა. მას ძალუძს, შეეწინააღმდეგოს თავის სურვილებსა და მოთხოვნებებს. აიძულოს თავი, აკეთოს არა ის, რაც სურს, არამედ ის, რაც მიზანშეწონილია. მარხვა, ერთი მხრივ, თავადვე ნებისყოფის დაძაბვის შედეგია, მეორე მხრივ, თავშეკავების უნარის, ნებისყოფის გამოუმუშავებას უწყობს ზელს, რაც შემდგომში სხვა სირთულეთა და განსაცდელთა დაძლევაში გვეხმარება.

მართლმადიდებლური სწავლებით ორი სახის მარხვა არსებობს: ფიზიკური და სულიერი.

სულიერი მარხვა გულისხმობს თავის შეკავებას სანახაობათაგან, ფუჭს, არაგულწრფელი საუბრებისაგან, ყოველივე იმისაგან, რაც ადამიანის მგრძნობელობას აღაგზნებს და გონებას ფანტაზებს. იდეალურ შემთხვევაში მარხვა განმარტობასა და მღუპარებას, საკუთარ ცხოვრებასა და მოღვაწეობაზე ჩაფიქრებას გულისხმობს. მარხვის დაცვა დიდი ხელოვნებაა და ადამიანი თანდათანობით სწავლობს მას.

მარხვის დამავიერებელია ენების კვირა. ეს კვირა მართლაც ძალიან მნიშვნელოვანია. ამ დროს მორწმუნენი რეალურად განიცდიან იმ მოვლენებს, რაც უფლის ჯვარცმისას ხდებოდა. ენების კვირა მორწმუნე

გთხოვთ, გაუფრთხილდეთ გაზეთს მასში დაბეჭდილი ტექსტის და ფოტოგრაფიის გამო.

შეძლებისდაგვარად ეკლესიაში უნდა გაატაროს. უამისოდ მას ძალიან გაუჭირდება ვნების კვირის კონცენტრირებული გავლა, სულიერი სიმაღლეების მიღწევა.

ქრისტიანული ღღესასწაულების მადლმოსილება და სიდიადე რომ შევიგრძნოთ, მარხვის დაცვა აუცილებელია. უფალთან ერთობაშია ყოფნის მაძიებელთ ღმერთმა მარხვა დაუბრკოლებლად წარგვამართოინოს.

არქიმანდრიტი ნიკოლოზ ღლონტი

ფიდი იოსებ მოხევე (სუჯაშვილი)

მოხევეები — „კაცი მბრძოლნი, ძლიერნი, აზოვანნი, პაეროვანნი“, ყოველთვის გამოირჩეოდნენ სარწმუნოებრივი შემართებით, აქაური ეკლესია-მონასტრები გვაცვიფრებენ თავიანთი სილამაზითა და მიუწვდომლობით. იქ თითქოს საგანგებოდ აშენებდნენ ეკლესიებს ისეთ ადგილებში, სადაც მისვლაც კი უკვე აღმსარებლობას უტოლდებოდა.

ჩვენი წინაპრების მაღალი სულიერების დადასტურებაა მცინეარწვერის კალითაზე მდებარე მეუღაბნოე განდგილ მამათა სამოღვაწეო — ბეთლემის სამონასტრო კომპლექსი და გერგეტის ყოვლადწმიდა სამების ტაძარი.

არსებობს უწყება, რომ ბეთლემის გამოქვაბულში მოსეს კარავი და მაცხოვრის აკვანი იხილებოდა. იქ წმიდა და ღმერთშემოსილი მამები V-VI საუკუნიდან ადასრულებდნენ ბერულ ღვაწლს. ბეთლემში მსოფლიოში არსებულ მართლმადიდებლურ ტაძართა შორის (ზღვის დონიდან 4100 მ) ყველაზე მაღალ ადგილას მდებარეობს.

ხევის მშენებელსა და სიმბოლოს წარმოადგენს „მარადის ყინულით შევერცხილდი“ მცინეარი, რომლის კალთებზე არის აშენებული სამების მონასტერი, „შუენიერ ნაშენი შუენიერს ადგილას“, სადაც ერთ დროს წმიდა ნინოს ჯვარი ინახებოდა.

გერგეტის ყოვლადწმიდა სამების ტაძარი XIV საუკუნის ძეგლია. ჩვენი ერის სულიერ ცხოვრებაში სამების ტაძარს ყოველთვის განსაკუთრებული მნიშვნელობა ენიჭებოდა. საუკუნეების განმავლობაში ხევის ისტორიაში თითქმის ყველა მნიშვნელოვანი მოვლენა მასთან იყო დაკავშირებული. იქ, სადაც ხევის წარსულზე ლაპარაკი, სამება ყოველთვის წინა ხაზზეა წამოწეული, როგორც „სიმიდირე და სიამაყე მოხევე ხალხისა და სრულიად საქართველოსი“.

წმიდა სამების ტაძარს აშენების დღიდან უვლიდნენ და პატრონობდნენ გერგეტელები. სამების ტაძარში ღვთისმსახურებას ეწეოდნენ და მღვდლებად მსახურობდნენ უმეტესად სუჯაშვილების გვარის წარმომადგენლები.

წმიდა იოსებ მოხევეს (სუჯაშვილის) შესახებ ძალიან მწირი ცნობები მოგვცაოვება.

ალექსანდრე ყაზბეგის სახელობის ყაზბეგის მხარეთმცოდნეობის მუზეუმის ფონდში დაცული ფოლკლორული მასალების ანალიზის საფუძველზე და იოანე ბატონიშვილის „კალმასობაში“ აღწერილი ამბავი მღვდელი იოსებ მოხევეს (სუჯაშვილის) შესახებ ადასტურებს, რომ იოსებ მოხევე იყო სოფელ გერგეტის მკვიდრი გვარად სუჯაშვილი. იგი მოღვაწეობდა გერგეტის წმიდა სამების ტაძარში. ასევე ღვთისმსახურებას ეწეოდა ბეთლემის გამოქვაბულში XVIII საუკუნის მეორე ნახევარში (ერეკლე II-ის მეფობის პერიოდში).

იოანე ბატონიშვილი „კალმასობაში“ წერს, რომ: „იოსებ მოხევე, მღვდელი, ესე იყო ფრიად სიწმინდის მოყვარე და მემარხულე, რომელ ყოველგან განთქმვა სათნოება ამისი.

ესე ნებითა ღვთისათა აღვიდა მცინეარის მთასა შინა, კაცთაგან შეუვალსა; და იხილა მუნ კარავი და აკვანი აბრაამისა მამამთავრისა, რომელ ჯერეთცა არეინ აღსრულარს მთასა მას, და მოართო მეფესა ირაკლის ნაჭერი კარავისა მის.

და ესეცა მიიწია საზომსა სასწაულთ-მოქმედებისასა და ესრეთ უფლისად დაიძინა“. აღესრულა 1763 წელს.

ბეთლემის სამონასტრო კომპლექსში შედის — ბეთლემის ეკლესია, რომელიც მაცხოვრის შობის სახელობისაა, „ქეჯვარი“, „ამირანის ნაქობარი“, „მარიამ წმიდის საბრძანისი“, „ირმების საწველი“, „ბერების აბანო“, მრავალი მღვიმე და გამოქვაბული და საერთოდ „ნაბერალი“, რომლის საერთო ფართობი 2000 კვ მეტრს აღემატება (ბაზილიკურ ეკლესიასთან ერთად აქ 40-მდე სხვადასხვა დანიშნულების ნაგებობათა ნაშთებია შემორჩენილი.

მართლმადიდებლური ეკლესიის მიერ მღვდელი იოსებ მოხევე (სუჯაშვილი) შერაცხილ იქნა წმინდანად. წმიდა იოსებ მოხევის ხსენების დღედ 20 ოქტომბერი განაცხადეს. დაიწერა მისი ხატი წარწერით: „ღირსი იოსებ მოხევე საკვირველმოქმედი“.


გადმოცემის მიხედვით იოსებ მოხევეს ჰყოლია შვილი მარკოზი, ისიც მღვდელი იყო და მსახურობდა წმიდა სამების ტაძარში. მარკოზ სუჯაშვილი ერთ კვირას მარხულობდა, უმძრაზობდა, რძეში ბანაობდა და ბეთლემში ასე გაწმენდილი ადიოდა.

ბეთლემის სამონასტრო კომპლექსის შექმნის დროიდანვე მცინეარ-წვერი და მისი მიდამოები „წმინდა ადგილად“ გამოცხადდა.

ბეთლემში უკანასკნელი ღვთისმოსავი ადგილობრივი მკვიდრი, მღვდელი მარკოზ იოსების ძე სუჯაშვილი იყო. მისი გარდაცვალების შემდეგ კი (XVIII საუკუნის ბოლოს) ბეთლემში ღვთისმსახურება საერთოდ შეწყდა.

2002 წელს, როდესაც დაარსდა სტეფანწმინდისა და ხევის ეპარქია, ბეთლემის გამოქვაბულში კვლავ აღსდგა ღვთისმსახურება.

ყაზბეგის მხარეთმცოდნეობის მუზეუმის არქივიდან



თბილისში, სამების საკათედრო ტაძრის ახალგაზრდულ ცენტრში, 3 თებერვალს, ახალგაზრდა მოხევე პოეტების მონაწილეობით, ჩატარდა პოეზიის საღამო სახელწოდებით „კახილი მთიდან“.

საღამოს ესწრებოდნენ: სტეფანწმინდისა და ხევის მთავარეპისკოპოსი მეუფე იეგუდიელი, აჩხოტის წმ. ნიკოლოზის ტაძრის წინამძღვარი, ილუმენი ანდრია, სიონის ღვთისმშობლის ტაძრის ილუმენი პაულე.

საღამო მიჰყავდა გიმნაზიის XI კლასის მოსწავლეს თამარ ოდიშელს და გელა ელოშვილს.

ეს იყო თბილი გარემოთი და სიყვარულით შეზავებული მოხევე ახალგაზრდობის ღამაში შეხვედრა.



ახალგაზრდა პოეტიები: თამარ ქუქიშვილი, დალი ფირანიშვილი, ციური ფიცხელაური, სალომე ჩაბაკაური, გიორგი ფიცხელაური, გიორგი გელაძე, რომან ქუშაშვილი, ბექა ოჩიაური, ლევან ზუციშვილი, ხატია გელაძე, გიგლა ნარიმანიძე, ბათო აესაჯანიშვილი, გივი ზუციშვილი, ნიკა ბუნეკური და მარიამ მარსაგიშვილი, დიდი გრძნობით კითხულობდნენ თავიანთ ლექსებს.

საოცარი სიყვარულითა და სითბოთი იყო გაჯერებული გარემო. მოხევე მელექსეები და მაყურებელი აუდიტორია თითქმის ერთმანეთს შეერწყა. იყო ჩვენი მიწის მოფრება და ის, თამარ ქუქიშვილის სიტყვებით რომ ვთქვათ, იყო პატარა ხევის გულის ფეთქებისათვის ყურის დაგდება.

ახალგაზრდები საქართველოს — ხევის უმღეროდნენ თავისი ლექსებით.



ჩვენი გაზეთის საშუალებით ყველა ნომერში შემოგთავაზებთ მოხვეე პოეტების ლექსებს.

დღეს კი იბეჭდება გიმნაზიის კურსდამთავრებულის ლევან ხუციშვილის ლექსები.

წავალ და გადვიკარგები
მთაი დავიდებ ბინასა,
გადმოცქერ დაბლა ხეებესა
მალლა კლდეებსა ტიალსა,
გერგეტის წმინდა სამებას
ნაგებსა წინაპრისასა,
ქოხს ჩავდამ კლდენი პატარას
ქუჩით დაფარავ მიწასა.
დილით მზე ჩამდანათებს
გავხედავ ბალახს ცვრანასა,
მამრე თოფს წამოვიკიდებ
ავეყვები ჩორახს მზიანსა.
ქარაფის თავზე შეეხდები
გავიგებ თერგის ღრიალსა,
გავხედავ ხარებს დაითვლი
დაბლა ჩავეყვები ფხიასა,
მალლიდან ხარი გადმამცქერს
კლდეებს ამშვენებს მზიანსა
მეც ვესვრი თოფსა წყეულსა
კლდენი ბანს მისცემს გრიალსა.
დაიჭრა, ცრემლი გადმასდის
კლდეებს ევლება ფიქალსა

მემრე მეორეც ვესროლე
ეწია ბედის წერასა,
წერა მეც მიხმობს მოვეკდები
დედაი მიტირებს ტიალსა.

ქალავ, ამ გულის მახეო,
მე მომლოცველად გნახეო,
იწვოდა წმინდა სანთლები
გინათლებოდა სახეო.
მეც ვიდექ იქვე მახლობლად,
შორიდან დაგინახეო,
მოვე და გვერდით დაგიდექი,
ასე რამდენჯერ გნახეო.
მივხედი, თუ როგორ მივევრდი,
ხელ მიბრწყინავდა სახეო,
დამტანჯეს შენზე ფიქრებმა,
მოვე და დაგინახეო.
შენც მიდიმოდი, მიცქერდი,
შენც გიბრწყინავდა სახეო.
ქალავ, ამ გულის ნაწილო,
ასე სიხმარში გნახეო.

ციური ფიცხელაური

პირველი სკოლა ხაჯოი

მე-19 საუკუნის 70-იანი წლებისათვის ხევში თანდათან იღვიძებდა სწავლის სურვილი. ამ საქმეს დიდად უწყობდნენ ხელს ხევში იმდროინდელი მოწინავე ადამიანები. 1867 წლის 6 დეკემბერს გაზეთ „დროების“ ფურცლებზე გეხვდება საყურადღებო წერილი: „სოფელ სტეფანწმინდას, როგორც შევიტყვეთ, შკოლა გაუმართავთ, ასწავლის დიაკვანი და აგრეთვე ერთი თავადის ნასწავლი ქალი წერა-კითხვასა. ვერ გაგვიბედნია ამ ქალის გვარის გამოცხადება, რადგანაც იქნება არც ჰსურდეს. ამგვარნი პატიოსანი ქალები ყოვლის პატივისცემის ღირსნი არიან საზოგადოებისაგან. მამ ყოფილან ჩვენშიაც ნასწავლი ქალები, რომ სწავლას ფუჭად არ სცვლიან ჩაცმა-დახურეზავედ. ამისთანა ქალები მშვიდად მოღვაწეობენ ჩვენი მოძმე გლეხებისთვისა“. გაზეთ „დროების“ მასალებიდან ვგებულობთ, რომ მე-19 საუკუნის 80-იან წლებისათვის არსებობდა სამი სამამასახლისო: სტეფანწმინდის საზოგადოებაშიც ექვსი სოფელი. ამ სამ სამამასახლისოს ოცდაერთ სოფელში ითვლებოდა ათასხუთასი მოსახლე. „ესენი თითქმის ისე რჩებიან, რომ სრულებით არ იციან წერა-კითხვა, — წერს გაზეთი „დროება“, მხოლოდ სტეფანწმინდის საზოგადოებაში იპოება ოროციოდე, რომ იცოდეს წერა-კითხვა. აი, ამ ოროციოდე კაცს წერა-კითხვა შესასწავლა სტეფანწმინდის მიქაელ მთავარ-ანგელოზის მთავარმა დიაკონმა ნიკოლოზ ციბაძემ. ამ პატიოსანმა პირმა შესანიშნავი ზრუნით მოიზიდა აქაური გლეხობის შვილები და შეძლებისდაგვარად ცდილობდა იმათ აღზრდას („დროება“. 1850 წ.).

1881 წელს სოფ. სტეფანწმინდის მოსახლეობას მიუღია გადაწყვეტილება სკოლის გახსნის შესახებ, მაგრამ შესაბამისი ზემდგომი ორგანოები რატომღაც აგვიანებენ სტეფანწმინდელთა გადაწყვეტილების დამტკიცებას — „სტეფანწმინდის საზოგადოებამ ძლივს მოიყარა თავი,

ძლივს გადაწყვიტა სკოლის გამართვა, ძლივს იკისრა საჭირო ფულის ხდა და როდესაც ეს ყველაზე ძნელი ადგილები გაიარა სკოლის გამართვამ, ერთბაშად ჩვენგან გაუგებელმა მიხეზებმა დააბრკოლა მისი გახსნა და სწავლის დაწყება.

სტეფანწმინდის სკოლის გახსნას მარტო ის შედეგი კი არ აქვს, რომ ამით პატარა მოზარდებს სწავლას მისცემს, არამედ კიდევ იმ სარგებლობას მოუტანს, რომ იმის ბაძვით სხვა სოფლებშიაც გაიმართება სკოლები, რადგან მათში სტეფანწმინდა თაობს და ძველთაგანვე მაგალითად არის გამხდარი ხევის დანარჩენი სოფლებისათვის“ („დროება“. 1882 წ.).

ძალზე დიდი წვლილი მიუძღვის ხევში პირველი სკოლის გახსნის საქმეში ანდრია კობაიძეს. მისი სტატიები, რომლებიც მე-19 საუკუნის ქართულ პრესაში ქვეყნდებოდა, გამსჭვალულია ხევის მოსახლეობის სიყვარულით, იმ მაღალი პატრიოტიზმით, რომელსაც მამულშვილობა ჰქვია...

გაზეთი „ივერია“ 1888 წელს სათაურით „სკოლა მოხვევებში“ წერდა, რომ პირველი თაოსნობა ხევში სკოლის გამართვაზე სტეფანწმინდას ეკუთვნის, რადგან ეს სოფელი თერგის ხევის ყველა სოფლებზე მოზრდილია (120 კომლი). პრაქტიკული ნაბიჯი სტეფანწმინდაში ბაგ-შეებისათვის წერა-კითხვის შესწავლის საქმეში პავლე ლულუშაურს ეკუთვნის. იგი იმ დროს ითვლებოდა წიგნის კარგ მცოდნედ და სოფლის ერთგულ კაცად. პავლე ლულუშაურმა რამდენიმე ყმაწვილი შეკრიბა და თვით დაუწყო სწავლება. სოფელ სტეფანწმინდის გულშემატკივარი პავლე ლულუშაურის მეტი სიმხნევე შემატა 1881 წელში აქაური მემამულის, გიორგი ყაზბეგის იმხანად სტეფანწმინდაში ყოფნამ. გ. ყაზბეგმა სოფლელებს უჩნია სკოლის გახსნა. შედგენილი იქნა განაჩენი, თვით სტეფანწმინდელები კისრულობდნენ სკოლის ხარჯებს. „სახელმწიფო ხარჯთან შეეიტანთ ყოველ წელს სასკოლო ფულს და წერა-კითხვის საზოგადოებას მებაბარებთ სკოლის გაძლიერას“.

პირველი ხელის მომწერთა შორის, რომელთაც ითავებს სოფ. სტეფანწმინდაში სკოლის გახსნა, იყო ლეგა ფიცხელაური (თუ არ ვცდებით, ეს ლეგა უნდა იყოს ის პიროვნება, რომელიც მიჩნეულია ალ. ყაზბეგის მოხრობელად). აი რა პატრიოტული სიტყვებით მიუძღრობდა ლეგა ფიცხელაურს თავისი თანასოფლელებისათვის: „მოვაწეროთ, მოვაწეროთ ხელი, სოფლობა არ წავიკნდეს. მე უშვილო ვარ, მაგრამ სათემო საქმეში ცოცხლის თავით არ მინდა მომავალდე. დიდაც ვიკისრებ, პირველად მე მომაწერინეთ, თქვენი კენესამე“. ასეთ პატრიოტ ადამიანზე აქვს ჩვენს წინაპრებს ნათქვამი: „გავგიძღვ ბერო მინდიაე მუხლი მაიმში მგლისაო, გაიფოლიე უმცროსნი, ვისაც თავი აქვს ცდისაო“.

მაგრამ საქმეს საშველი მაინც არ დაადგა. სტეფანწმინდაში გამიწნდნენ ისეთი ადამიანები, რომელთაც ხელი შეუშალეს ამ კეთილ საქმეს.

პეტრე უმიკაშვილის ზემოხსენებულთა სტატიიდან ვგებულობთ, რომ ხევში 1888 წელს სკოლა არ იყო გახსნილი. „წერა-კითხვის საზოგადოებამ, — წერს პეტრე უმიკაშვილი 1888 წელს გაზეთ „ივერიაში“ — თავისი საქმე პქმნა რაც შეეძლო. სანამ პავლე ლულუშაური ყმაწვილებს ასწავლიდა სასწავლებელი წიგნებს უგზავნიდა, მერე სოფლის განაჩენი წარადგინა, როგორც ვოქით მაზრის უფროსთან. საქმე ეხლა მიმდგარა იმაზე, რომ სოფელმა მაზრის უფროსს თავისი წინანდელი განაჩენი დამტკიცებისოს. სოფლის გულშემატკივართა მეცადინეობა ტყუილად არ ჩაივლის. ხევში, მოხვევებში სტეფანწმინდა თავი სოფელია და საშვილიშვილო საქმეში, სწავლის საქმეში რომ სახელი გაიტყუოს, რაღა სოფლობა ითქმის“. აკი სტეფანწმინდელებზე იყო ნათქვამი:

„ამბობენ სტეფანწმინდასა სოფელი არის გზისაო,

მაგათ უჭირავთ სიმაგრე ყუროით და ხდისაო.

გამოვლენ ახალგაზრდები, ანგელოზია ხდისაო,

ორპირად უსხდის ერობა მადლი ტრიალებს ღვთისაო. ან კიდევ:

ერთის თქმა მერე გადათქმა ვაჟკაც არ შეენის ისაო“.

მიუხედავად გლეხობის მძიმე ეკონომიური პირობებისა, მოხვეე გლეხობა შეძლების ფარგლებში ეძებს გამოსავალს, რათა თავიანთ შვილებს განათლება მიადებინოს და აი, გამიწნდა ასეთი შესაძლებლობაც. 1888 წელს კაკეკაში (ძაუგში) გაიხსნა ქართული სკოლა ქართველთა შორის წერა-კითხვის გამავრცელებელი საზოგადოების ინიციატივით. „ეს სკოლა დაარსდა გიორგობის დღეს, 1888 წელს, ნოემბრის 10-ს და დაარსებისთანავე სწავლა დაიწყო 29 მოსწავლეთ. ამჟამად სკოლაში სწავლობს 49 მოსწავლე. აქედან 29 ბავშვი მოხვეენი არიან“. როგორც სათანადო მასალებიდან ირკვევა, კაკეკავის ორკლასიან ქართულ სკოლაში მოხვეე ბავშვები შესანიშნავად თურმე სწავლობდნენ.

ხევში სკოლების გახსნის ინიციატორები ა. კობაიძე, გ. ბელოშვილი და ი. ლულუშაური მიზანშეწონილად მიიჩნევდნენ სამრევლო სკოლების გახსნას კობსა, სტეფანწმინდასა და სნოში. გარდა იმ პირობისა, რომლებიც ხევის შვილებად ითვლებოდნენ და იბრძოდნენ ხევში სკოლის გახსნის შესახებ, პირველ რიგში დასახელებული თვალსაჩინო საზოგადო მოღვაწე მიხეილ ზაღლის ძე ყიფიანი. მ. ყიფიანი იმ დროს (1888 წ.) მუშაობდა თერგის ოლქის სამიჯნაო განყოფილების გამგედ. მ. ყიფიანს კარგად ესმოდა ჩვენი გლეხობის იმდროინდელი გაჭირვებული მდგომარეობა და ამიტომ ურჩევდა მათ, რომ სკოლა უშუალოდ ხევში დაეარსებინათ, რადგან კაკეკაში ხევიდან ბავშვების სწავლა დიდ ხარჯებთან და საერთოდ დიდ სიძნელეებთან იყო დაკავშირებული.

მ. ყიფიანი გარდაიცვალა იმ დროს, როცა მისი იშვიათი მზრუნველობის შედეგად უკვე დადებითად გადაწყდა საკითხი პირველი სკოლის დაარსების შესახებ ზევში.

„სულ ორის დღის წინათ, — წერდა ილია ჭავჭავაძე მ. ყიფიანის შესახებ — სანამ სიკვდილი სამუდამოდ დაადუმებდა ამ ღუდუმებელს ქვეყნისათვის პატიოსან კაცს, იგი იწერებოდა ტფილისში „სტეფანწმინდამც ვახერხებ სკოლის გამართვასო, აქაურ ვმაცვილებსთვის. თქვენს მიერ გამოგზავნილი წიგნები მივიღეთ და დიდად გაგახარეთ პატარა მოხვეწილი („ივერია“, 1891 წ.).“

სამწუხაროდ, მ. ყიფიანი დიდხანს არ შერჩა ჩვენს ხალხს იმედად და იგი გარდაიცვალა 1891 წლის 2 მარტს, ვლადიკავკაჟში. ყიფიანის ცხედარი 8 მარტს გამოუტარებიათ სტეფანწმინდას. მთელ ზევს უცია პატივი მ. ყიფიანის ცხედრისათვის. მასალებში ისიც კია მოცემული, რომ შემხვედრთ შორის ასამდე მოხუცი ყოფილა. პანაშვიდი მღვდელ მაღანაიას გადაუხდია. პავლე ღუდუმურს წარმოუთქმია სიტყვა, რომელიც ასე მთავრდებოდა „კერძოდ ჩვენთვის (მოხვეწებისთვის) იმისთანა ქართული აღარ დაიბადებო“. ანდრია კობაძე კი თავის წერილს ყიფიანის შესახებ ასე ამთავრებს: „ვის არ უნდა შესტკიოდეს გული ამგვარი მხნე და კეთილი მოღვაწე კაცის დაკარგვის გამო? ანუ ვისლა უნდა მიმართოს ჩვენმა უბედურმა ახალთაობამ სწავლა-განათლების გზის მაჩვენებლად. 700 კომლამდე ქართველს, „მოხვეწ“ ერს დღემდე სასწავლებელი არ ჰქონდა და დღეს ვინც მოისურვა აქ სკოლა, ისიც ჩვენდა სამწუხაროდ აღრე წაგვართვა სიკვდილმა“.

მ. ყიფიანის დაკარგვა უდიდეს დაღად დაესო მოხვეწ კაცის გულს. ამ დიდი დანაკლისის გამო გაზეთ „ივერიაში“ 1891 წლის 19 მარტს კორესპონდენტი სტეფანწმინდელი წერდა: „ძალიან მიკვირს ჩვენი ზევის უბედობა და მრავალგვარად საქმის დაცარება. „ობლის კვერი ცხება და ვერ გამოცხვია“, სწორედ ჩვენი საქმეც ასეა — მ. ყიფიანის გარდაცვალებამ გარკვეულად შეუძალა ხელი ზევში პირველი სკოლის გახსნის შესახებ დაქარბას“.

ზევში ოფიციალური სკოლის გახსნამდე გიორგი ყაზბეგმა სოფელს ორკლასიანი სასწავლებლისათვის უფასოდ დაუთმო თავისი სახლები და სწავლებითაც თვითონ, თავისი ხარჯებით ასწავლიდა ბავშვებს, თავისივე ხარჯებით შეიბადეა შეშას ბაღითიდან გასათობად, მაგრამ გაზავრულდა თუ არა, მშობლებმა მოსწავლეები სკოლიდან გაიყვანეს სამუშაოდ.

მაგრამ ხალხში უკვე გაიდგმა სწავლის სიყვარულმა, მისი შეჩერება აღიარავის და ადარაფერს შეეძლო. ახლა თვით ხალხმა აიღო ხელში ინიციატივა და დაიწყო სკოლის გახსნისათვის საჭირო სახსრების შეგროვება. დაეასახელებთ მხოლოდ მცირე ნაწილს, რომელთაც თავს იღეს ეს საქმე და სტეფანწმინდის სკოლის სასარგებლოდ, რომელიც „წერა-კითხვის საზოგადოების“ სახელით უნდა დაარსებულიყო, თავიანთი დანახოვით სახსრები შესწირეს. აი ისინიც: მოსე გიგაური I მან. ანდრია ხაჩიშვილი 50 კაპ. ნიკო ზაგაშვილი 50 კაპ. ბიჭკო დავითაშვილი 20 კაპ. ნიკო ქუშაშვილი I მან. და ა. შ. თვალში საცემია ერთი რამ: პარონებანი, რომელთაც შესაწირი შეჰქონდათ, მარტო სტეფანწმინდელები კი არ იყვნენ, არამედ ამ საქმეში მონაწილეობას ღებულობდნენ რაიონის თითქმის ყველა სოფლიდან სწავლას მოწყურებული მოხვეწები. პირველ რიგში აღსანიშნავია ამ საქმეში გერგეტის, სიონის, ცდოს, გველეშის მოსახლეობის აქტივისტები.

და აი, დადგა ჩვენი ზევის მოსახლეობისათვის სანატრელი დღეც. 1892 წლის 22 ოქტომბერს სოფ. სტეფანწმინდაში აკურთხეს სოფლის სკოლა. ერთკლასიანი სკოლის პირველ მასწავლებლად დაინიშნა თბილისის სასულიერო სემინარიის კურსდამთავრებული ნ. კახისშვილი.

კობაძის წერილში ვკითხულობთ: „სკოლის დაარსებით დღეს აღგილობრივ ეკლესიაში მწირველი იყო ერმონახი — მ. ლეონიდი, ხოლო თანამწირველები კობის ბღაღოჩინი — მ. ნახარიძე, სიონის მღვდელი ზ. კობაძე და ადგილობრივი მღვდელი (სოფ. სტეფანწმინდის) ა. ბარნაბაშვილი. წირვას ძალზე ბევრი ხალხი დასწრებია. წირვის შემდეგ მ. ლეონიდი ხალხს სკოლის შენობისკენ გასდღოლა, სადაც გადაუხდია პარაკლისი და ბავშვებისათვის დაურთებია ყელზე სატარებელი ჯვრები.“

მ. ლეონიდს უქადაგებია ხალხისათვის, რომ „სწავლით შეიძლება მოპოვება კაი კაცობისა და მოქალაქეობისა. სწავლითვე შეიყვარებს და შეითვისებს სჯულსა და მამულსა. სწავლითვე სცემს პატივს კაცი მშობლებსა და ნათესავებსა“. ხალხს ძალზე მოსწონებია ლეონიდის სიტყვები. წირვისა და ქადაგებას ერთი სრულიად უსინათლო კაცი ს. გიგაური დასწრებია. მას ლეონიდის ქადაგებისას ასეთი სიტყვები წარმოუთქვამს: „ნეტავი როგორც ბერ-მონაზონის სიტყვებმა სმენით დამატკბო, ისე მაგის სახის ზილვაც შემეძლოს და მე თუნდაც მოვკვდარიყავი“.

1892 წლის 22 ოქტომბერი ზევისათვის სადღესასწაულო დღედ გადაიქცა. ხალხს აუხდა დიდი ხნის ოცნება. ქადაგების შემდეგ, როგორც ა. კობაძე წერს, ხალხის თხოვნით ლეონიდმა კრებულისათვის ეკლესიაში გადახადა პანაშვიდი მიხეილ ზაალის ძე ყიფიანის სულის მოსახსენებლად. ხალხი არასოდეს დაივიწყებს იმას, ვისაც ხალხისათვის კარგი უკეთებია. ჩვენი ხალხისათვის მ. ყიფიანი დაუეწიწარი იყო და ხალხმაც თავისი წილი ადამიანური კალი მოახადა სახელოვანი მამულიშვილის წინაშე.

ზევში სკოლის გახსნის საქმეში დიდი დამსახურება აქვთ თვით ხეიდან გამოსულ ისეთ სახელოვან ადამიანებს, როგორებიც იყვნენ

ანდრია მამუკას ძე კობაძე, იაგორ ღუდუმური, გიორგი ყაზბეგი, დიმიტრი ყაზბეგი და სხვანი.

ყაზბეგის რაიონის მხარეთმცოდნეობის მუზეუმის საარქივო მასალების მიხედვით მოაშხადა მანონი გომიაშვილმა

ყველაზე ჭკვიანი



გიმნაზიის მოსწავლეებს შორის ჩატარდა კონკურსი „ყველაზე ჭკვიანი“ — ს გამოსავლენად VI-VII კლასების მონაწილეობით. I ადგილზე გავიდა ღაბი ოდიშელი, II ადგილზე — გიორგი ბუჩუკური, III ადგილი დაიმსახურა სოფო ღუდუმურმა. გამარჯვებულებს სტეფანწმინდისა და ზევის მთავარეპისკოპოსმა სამახსოვრო საჩუქრები გადასცა.

უმჯობარი კალიგრაფიაში

გაზეთის წინა ნომერში გიყვებოდით, რომ გიმნაზიაში ჩატარდა შეჯიბრი კალიგრაფიაში. გვინდა ეს თემა ამ ნომერში განვაგრძოთ, კერძოდ, შეჯიბრში საუკეთესოები იყვნენ: ლუკა მაისურაძე, მარიამ სუჯაშვილი, ნუცა ყოჩიაშვილი, ნათია სამქანაშვილი, ნინო ქუშაშვილი, ლალი ბურდული, ნიკა ქუშაშვილი და გია ჩოჩიშვილი, რისთვისაც მადლობას ვუხდით მათ მასწავლებლებს დაწყებით კლასებში: ეკა სამქანაშვილს, ზათუნა ქავთარაშვილს, ნანა ჩაბაკაურს და ნონა არაბულს.

პატრიარქის მოხვეწ ნათილულები ჩვენი მომავალი



გიორგი ზიცხელაური



ლადო ჟიკელაური

უმჯობარი ფრენბურთში

სტეფანწმინდისა და ზევის მღვდელმთავრის მთავარეპისკოპოს იეგუდიელის ძალისხმევით სტეფანწმინდის წმიდა ილია მართლის სახელობის გიმნაზია-პანსიონში აშენდა ევროპული სტანდარტების სპორტული დარბაზი.

გიმნაზიის მესვეურებისა და ფიზკულტურის მასწავლებლის ირმა ბელაშვილის ძალისხმევით მოსწავლე-ახალგაზრდობამ კარგად აითვისა სპორტული კომპლექსი და რეგულარულად ტარდება შეჯიბრებები. მიმდინარე თვეში შეჯიბრი ჩატარდა ფრენბურთში. IX-X კლასებს შორის გამართულ შეჯიბრში გაიმარჯვა IX კლასმა. XI-XII კლასებს შორის კი — XII კლასმა. გამარჯვებულ IX და XII კლასებს შორის ფინალში გავიდა XII კლასი. მეუფე იეგუდიელმა გამარჯვებულ XII კლასს გადასცა თასი.

მხიარული სტარტები იეგუმება V-VIII კლასის მოსწავლეებს შორის.

რედაქტორი ანდრეი გომიაშვილი	სარედაქციო კოლეგია: არამიანდრიტი ნიკოლოზ ლლონტი, ციციჩო ლუღუშაური, ნინო თუშკიაშვილი, თამარ ოღოშვილი.	მის. სტეფანწმინდის ფ. ილია მართლის სახ. გიმნაზია-პანსიონი
--	--	--